

才之相信國公文忠烈先生全集卷之一

許

淳

十九世孫攀丹男邑庠生光裕孫克漢編輯

泗

濟

內制

擬進御筆

爲馬丞相趙會書上奏留平章

書曰三人占則從二人之言蓋占取其同自二人之同推之卿士庶民無往不同者師相欲去二府以爲

不可去是千萬人皆以爲不可去矣朕自師相有請
寢食不爲安朕必不能違衆心師相亦必不忍違朕
心嗚呼尚鑒時懷永綏在位師相其聽之哉所請宜
不允

又擬

周公相成王終身未嘗歸國孟子當齊世不合故致
爲臣莖常情以去莖爲輕惟大臣以安危爲重苟利
諸國皇恤其身若時元勲爲我師相先帝付託大義
所存太母留行前言可覆胡爲以疾而欲告休惟醫
藥所以輔精神惟安身所以保家國古者之賜几杖

雖當七十而不得引年我朝之重翰章雖過九旬而尚使爲政勉罄重務勿因取懷所請宜不允

此先生直翰林院時伐言一二也留平章二批已進呈御前賈似道有聞嫌所擬無過褻之辭且怒不先呈已諷諭別直院官改作進呈批出竟不用先生所擬先生卽引先朝楊大年在翰林草詔以一字不合真宗聖意明旦援唐故事學士作文書有所改爲不稱職當罷因亟求解職丐祠引去賈似道以漆木史作字至先生勉留太畧云直院楊大年故事豈非亦有大年性氣耶如

朝以爲異後來皆以爲常近日馬王二直院所擬
未嘗不反覆更定既曰天子私人又豈不通商量
只如年年春帖自有一等忌諱字面上每令似道
諭詞臣再三改定諸公亦惟知謹承上意直院特
未知之耳幸不必過爲突兀而有選心至叩率幾
台照先生貼名繳還來槩又上第三章力丐祠東
搆出國門而臺疏罷命出矣先生有詩曰當年
爲青山談直草君王一詔歸是也

道體堂謹書

夙興夜寐休惕惟厲懼無以追配於前猷自底不類
乃季秋將有事明堂思惟皇天全付于有家繼繼承
承於千萬年祖宗在天眷相惟茲蔽白朕志貽厥孫
謀於一人有醇郊廟神祇祖考將安樂之皇帝曰猷
其官皇子某爾忠孝豈弟少如夙成朕用寵爾王
衍爾職禽欽乃服命克懋厥德惟爾休昭事有慶
爾主也薄海內外罔不咸一其耑爲皇太子改舊某
嗚呼願惟我前人造天丕基創守維艱哉天難哉命
靡常民同常懷懷于有仁戒之哉爾惟親正人學事

古訓罔遊于盤罔淫于逸罔以非道蕩志罔以古之人無聞知尊德崇道由仁義行乃若時守宗廟社稷以爲祭主天地神人無疆惟休朕不失爲知子爾亦有令名於戲欽哉

表牋

門謝表

臣某言伏準省劄五月二十八日三省同奉聖旨文天祥深差纂書寧海軍節度判官廳公事仍差務臣以賜第之初未經門謝未敢祗拜劄命申乞特旨以準省札七月十一日三省同奉聖旨令朝謝之

勞招奉清問以據忠謨承親擢尚阻紫宸之譔遷叨
黃綬之除曠世遭逢瞻天感激臣切以賓興下詔同
天地宗祀之彝科舉取人代造化爵賢之柄豈曰利
人才之進取其間實天道之流行肆萬乘之臨軒受
諸侯之貢士占小善者率以錄咸造在廷取一人焉
拔其尤必有名世豈應庸瑣可在蒐羅臣稟質既凡
聞道猶淺才非洛陽之年少偶玷薦書學非廣川之
大儒遽塵舉首自叨異數亦旣三年回思臚唱之蒙
恩莫與鳬趨而奉表有懷就日無路踐天方徬徨於

丘園乃罷緩其祿秩輒請展爲臣之禮幸許修詣闕
之恭茲蓋伏遇皇帝陛下德體乾行道符常久世更
三紀遠追成周式化之風歲啓後庚近接藝祖開基
之運凡際風雲之會咸依日月之光遂令一介之姓
名亦被九重之記錄臣敢不誓堅素守勉全前修自
揆讀書非爲平生溫飽之計願言竭節用副上心忠
孝之期臣無任瞻天望聖激切屏營之至謹奉表章
謝以聞

湖南提刑到任謝皇帝表

帝庭敷命昭闕四門天牧播刑誤領一節帛以迄

之旨雖已訖之屬屬陽動靜俱具在伏念日本
無他技惟有孤忠兩朝特達之知濟塵清要十載行
難之跡祇自憐尤雲霄之義方屯天地之心已復當
元日達聰之始在臯華遣使之中聖恩靡許於祝嘏
臣職敢稽於行道瞻益高而下耳冀用譽於折肱茲
蓋恭遇皇帝陛下道協重華仁周四表崇德廣業合
乾轉坤翕之功折獄致刑得震動離明之用遂令承
乏復忝司平臣敢不祗若咨詢對揚欽恤陳時臬事
尚弘康乂之圖受王嘉師永延明清之訓

謝皇太后表

司平楚甸命出嚴宸告至周原恩歸慈極敢冀厚
仰謝徽音伏念臣一介寒微兩朝知遇傾葵向闕私
無補於使令啜菽杜門祗自深於觀省當元日會同
之郊拜公朝投拭之仁言遣使臣往陳臬事華省端
張於趣旨叢祠竟秘於俞音勉臣子之驅馳見吏民
而宣布茲蓋恭遇壽和聖福皇太后陛下心超有
道合無疆長信怡愉贊災圖之昌運大任肅穆開蒼
籙之隆平宜擇攸司俾敬爾獄臣敢丕丕承欽恤
布慈仁乂我黎民尚想無刑之治于其王母敢忘
福之元

君子審官道隆儷極皇華遣使命出治朝德意具宣
悅辭告至伏念臣疎庸一介遭遇兩朝早綴班行嘗
忝金科之屬繼乘使傳復塵繡指之行曲成每戴於
釐明退食難逃於吏議不圖元會復錫恩言校拭起
家往陳時臬馳驅在道寅奉天威泣止攸司欽哉乃
聯茲葢伏遇皇后殿下德侔坤地位正家人關雎之
化既行用之天下象魏之法使布正自王宮爰取賤
吏載叨詳讞臣敢不靈承欽恤祇若平反無刑以父
黎民誕敷聖化式敬以長王國永誦徽音

賀皇太子生日賀皇帝表

大夏長羸坤二爻之紀季千秋似續震一索之揆初
瑞彩緣車歡顏丹展恭惟皇帝陛下德流苞水業茂
蘿圖壽富多男積善必有餘慶本支百世命吉在璣
初生記甲觀之瑞分占乙祿之祚遠臣簞身軫墊戴
目心星誦億子之宜君首歌周雅祝萬年之爲父夏
續唐詩

賀皇太后表

福于王母際南面之昌期天以神孫娛東朝之永日

書堂瑞節長樂歡聲恭惟壽和聖福皇太后陛下

分克開厥後皇皇穆穆繼繼承承臣迹滯騏原心
鳳閣本支百世播絲戩之聲詩怡愉萬年衍含節之
福慶

賀皇后牋

坤后廣生式協二爻之月震男揆度載逢一索之期
慶衍蘿圖喜充椒掖恭惟皇后殿下道柔配地德厚
承天以御于家爲今京室之婦則樂有子如古周南
之風百世本支萬年福祿臣迹縻社轡心賀燕謀占
斯干之詩已符吉慶美思齊之德益嗣徽音

皇子進封左衛上將軍嘉國公賀皇帝表

乾父垂仁茂積蘿圖之慶震男鍾美肇基茅土之邦
百世可知四方來賀洪惟昭代爰立親親粵有舊章
禮優貴貴昉祥符之七載修慶國之初封緡仗分班
琬珪疏寵庸表人倫之厚適觀王室之疆式于今休
監于成憲恭惟皇帝陛下福培周厚和緝堯雍寶曆
無疆方萬年而受祐金枝有煥期億予以宜君錫以
嘉名渙其大號地營東井詔爵五之最穹天拱北辰
炳心三之相照克昌厥後長發其祥臣有寒牡駢阻

隨虎拜祉歌子施遙陳皇矣之詩道盡君威

賀皇太后表

東朝保艾方隆堯母之仁西國分茅式篤文孫之慶
兩宮喜色萬宇歡聲恭惟壽和聖福皇太后陛下德
厚慈元神怡長樂尊之至也上承視膳之勤宜爾繩
兮下適含飴之趣瑤池日永玉葉春濃臣遠被繡衣
踰瞻綵仗于其王母知介壽之來崇佑我後人願不
圖之有術

賀皇后牋

坤稱乎母儼家服於椒塗震索而男赫龍光於茅土

長秋喜色方憂歡聲恭惟皇后殿下含弘承天博厚
配地祥鍾長祭熾商後於有娥音繼思齊培文昭於
大妣圭瓊煜煌於綺仗芾朱輝映於褊衣臣遠驟華
原踰瞻藥殿想宜君之穆穆茂對王休侈多子之繩
繩載歸后美

皇女進封同壽公主賀皇帝表

乾見大人道風隆於乾體興爲長女命爰寵於吳申
喜溢宮庭歡騰海宇竊惟興君之際必有積善之餘
播在正風則曰王姬之美陳于小雅是爲女子之祥

無非歌福祿之同予以表國家之盛恭惟皇帝陛下

而理溫柔以容苞體深仁既茲歸瓜之慶
厚積復培穠李之華始封爰遴於嘉名還
封永齊於
臣跡庶使事身隔賀班親愛如家遙贊人倫之
片肅雍廸教適觀王道之成

賀皇太后表

周家福祿積由任姒之仁堯母聖神親覩娥英之慶
闡盛典海宇歡聲恭惟壽和聖福皇太后陛下南
極景光東朝綦貴有功寶祚既開聖子之傳流澤銀
潢爰毓天孫之瑞贊初封於沁水同土壽於瑤池臣
遠玷皇華踰瞻長樂怡愉太后諒承婉婉之娛雍肅